

- daz maniger chlagt mit schaden
 55 des frumen sind entladen
 Steyr, Osterreich vnd Cherndten.
 nu das ir edlen gernden
 uergezzet nicht des fursten lob,
 daz maniger swebt mit eren ob
 60 nu chlagt in das ist uon schulden not,
 den laider hat der pitter tod
 bestrickt mit seinen snurren,
 ich sach mit iammer füren
 nach seinem tod drei panir
 65 uor der par mit chlagunder gir
 zwelf held nach hurt geschicht
 auf orssen nur derschrikcht
 mein hercz, ich da uercheret sach
 sper schild vnd helmes dach
 70 entrustet vnd uercheret
 mein hercz mich do leret,
 daz ich plasmirt nach der geschicht,
 der wappen darf ich plümen nicht
 die waren chlagbere
 75 ach gott der laiden mere.
 ich sach uon ersten einen schilt
 nach der panir, der was uerczilt
 der spiczigen perg die ort ze tal
 sein grüner glast was worden ual
 80 chain smaragd in den schildt was
 recht als der reif das grün gras
 mit seiner chelt gefelbet,
 also hat sich geselbet
 des schildes glast nach chlagunder gir,
 85 darin geperlt das panthir
 daz was ee chlymmende fraydig,
 daz was czu schauen laidig,
 der swanz war nach dem ruk gepogen
 der perlein glast was ser betrogen
 90 mit plaichen silber tünchelfar,
 ,der chlavn gold uerplichen gar‘ Primisser, v. 117.